



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇԻՐԱԿԻ ՄԱՐԶՊԵՏ
ՈՐՈՇՈՒՄ**

« 14 » 09 2011թ. N: 293-Ա ք.Գյումրի

«ԱԽՈՒՐԻԿԻ ԲԺՇԿԱԿԱՆ ԱՄՐՈՒԼԱՏՈՐԻԱ» ՓԱԿ ԲԱԺՆԵՏԻՐԱԿԱՆ
ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿՊԻՏԱԼԸ ԱՎԵԼԱՑՆԵԼՈՒ ԵՎ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶՊԵՏԻ 2000 ԹՎԱԿԱՆԻ
ՆՈՅԵՄԲԵՐԻ 6-Ի ԹԻՎ 118 ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ
ՄԱՍԻՆ

Ղեկավարվելով «Բաժնետիրական ընկերությունների մասին» Հայաստանի Հանրապետության օրենքի 35-րդ հոդվածի 1-ին և 6-րդ կետերի, 56-րդ հոդվածի 2-րդ կետի, 67-րդ հոդվածի 1-ին կետի «ա» և «է» ենթակետերի, «Իրավական ակտերի մասին» Հայաստանի Հանրապետության օրենքի 70-րդ հոդվածի 2-րդ և 5-րդ մասերի դրույթներով, ի կատարումն Հայաստանի Հանրապետության կառավարության 2011 թվականի հուլիսի 21-ի N 1023-Ն որոշման 2-րդ կետի պահանջի.

ՈՐՈՇՈՒՄ ԵՄ՝

1. «Ախուրիկի բժշկական ամբուլատորիա » փակ բաժնետիրական ընկերության 4200000 դրամ անվանական արժեքով մեկ հատ հասարակ (սովորական) բաժնետոմսը բաժանել և փոխարկել 4200000 հատ հասարակ (սովորական) բաժնետոմսի, մեկ բաժնետոմսի արժեքը սահմանելով 1 դրամ:
2. «Ախուրիկի բժշկական ամբուլատորիա » փակ բաժնետիրական ընկերության կանոնադրական կապիտալը ավելացնել 6338376 դրամով, այն սահմանելով 10538376 դրամ, որը համապատասխանում է 10538376 հասարակ (սովորական) բաժնետոմսի՝ մեկ բաժնետոմսի արժեքը՝ 1 դրամ:
3. Հայաստանի Հանրապետության Շիրակի մարզպետի 2000 թվականի նոյեմբերի 6-ի «Շիրակի մարզի թվով 47 առողջապահական ՊՓԲԸ-ների անվանափոխման և նրանց կանոնադրությունները Հայաստանի Հանրապետության քաղաքացիական օրենսգրքի պահանջներին համապատասխանեցնելու մասին» թիվ 118 որոշմամբ

հաստատված Հայաստանի Հանրապետության Շիրակի մարզի «Ախուրիկի բժշկական ամբուլատորիա» փակ բաժնետիրական ընկերության կանոնադրության 4.1-րդ կետը շարադրել հետևյալ խմբագրությամբ.

«4.1 Ընկերության կանոնադրական կապիտալը կազմում է 10538376 դրամ, որը կազմում է 10538376 հասարակ (սովորական) բաժնետոմս: Մեկ բաժնետոմսի անվանական արժեքը կազմում է 1 դրամ:

Բոլոր 10538376 հասարակ (սովորական) բաժնետոմսերը տեղաբաշխված են և պատկանում են հիմնադիրին՝ Հայաստանի Հանրապետությանը:»:

4.Հանձնարարել՝ Հայաստանի Հանրապետության Շիրակի մարզի «Ախուրիկի բժշկական ամբուլատորիա» փակ բաժնետիրական ընկերության գործադիր տնօրեն Լենա Մանուկյանին.

Հայաստանի Հանրապետության օրենսդրությամբ սահմանված կարգով համապատասխան փաստաթղթերի փաթեթը ներկայացնել իրավաբանական անձանց Պետական ռեգիստրի գործակալության տարածքային բաժին, պետական գրանցում կատարելու համար:

5.Սույն որոշման կատարման հսկողությունը վերապահել Հայաստանի Հանրապետության Շիրակի մարզպետարանի աշխատակազմի առողջապահության և սոցիալական ապահովության վարչության պետ Հովհաննես Հովհաննիսյանին:

Հայաստանի Հանրապետության
Շիրակի մարզպետ

Ա. Գիզիրյան

Իսկանյանի հետ ճիշտ է

